



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observationes in Cap. I. generalem Descriptionem Judiciorum continens.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

quem *Tertia* communicare prohibet. Omisit in *Quinta* restrictionem magni momenti; nempe si periculum sit.

QUÆSTIO VIII.

Inter Regulas circâ consecutiones hujus Judicii, multæ pertinent ad *Sextam*: tales sunt ea, quæ circâ penas versantur; porrò, major ipsorum pars reducitur ad penas proscriptioñis Bonorum aut Excommunicationis; hæc tamen *Quæstio* non est inutilis, cum alterius defectum suppleat.

REGULA VII. & XX. que dicunt Sacrificia oblata, & Sacra menta administrata ab Hæreticis, esse nulla, expositione indigent. **Reg. I.** includitur in ultimâ *Questionis VII.* nam executio Judiciorum contrâ Hæreticos, unum est ex auxiliis, quibus Magistratus Ecclesiasticus Judicem juvare debent quoad Hæreticos.

Juxta **Regul. XX.** Hæretorum conditio pejor est, quam Excommunicatorum; quibus appellatio conceditur; iis enim sua defensio permittitur. Appellatio autem est defensionis species.

Reg. III. IV. & V. pertinent ad proscriptioñem Bonorum, qua solâ Principis autoritate decerni potest; idem est de privatione Paternæ Potestatis, de quâ loquitur **Reg. XXII.** **Regulæ VII. X. XII. XIV. XVII. XX.** pertinent ad Excommunicationem, quæ privat juribus, à quibus illæ Hæreticos excludent. **Sexta**, quæ statuit penas in *Inquisitores* ab officio recedentes, una est ex iis, quæ verfantur circâ adjuncta Judicii in Hæreticos. Idem est de **XXI.** loquente de Privilegio Cruciatorum contrâ Hæresim.

Reg. XI. quæ vim in Hæreticos adhiberi prohibet, iisque sua bona adimi sine causa, valde adversatur ei, quam retulimus, agendo de Excommunicatione; quâ occisio Hæretorum permittitur. Textus hic laudatus observationem nostram in *Regulas III. IV. & V.* confirmat, nempe in eo, quod Hæretorum punitionem temporalem spectat in eorum Persona, Bonis, & juribus, Legibus Civilibus inhærendum esse.

Reg. XVI. sumpta è *Capite 4. de Hæreticis*, ferens, Libros ejus, qui damnatus est, unâ cum eo damnatos esse, restringi debet ad Libros, in quibus agitur de Argumento, circâ quod erravit; hæc enim damnatio cadit solum in Erroribus, propter quos damnatus est; alii Libri forsan boni sunt, & ad eos Damnationem extendi iniquum est, quæ, cum sit odio sa, ab uno Casu ad alium extendi non debet.

QUÆST. IX.

Agens de remediis subsidiariis accusationi Hærecoes, unum tantum afferit huic Judicio peculiare, scilicet *Primum*, seu Visitationem annuam ad inquisitionem contrâ hoc Crimen: aliud, quod est Purgatio contrâ Personas suspectas, Crimini cuilibet commune est.

OBSERVATIONES in CAP. XVIII. de HÆRESI
speciatim sumptâ.

Sub verbo *Hærecoes* Autor complectitur *Judaismum*, *Mahometismum*, *Apostasiam*, *Hypocrisim*, perindè ac Hæresim. Quanvis in Corpore Juris nominatum commoretur magnus Hæretorum numerus, *Manichæorum* tantum & *Beguardorum* mentionem facit Autor, ob rationes, quæ difficile divinari possunt. Quod dicit de Hypocritis *Quæst. VI.* tres specialiter Schismaticos ibi nominatos spectat. Itaque Schismaticos cùm Hypocritis confundit; vel sub eodem vocabulo comprehendit. Inter *Manichæos* & *Beguardos*, *APOSTATAS* locat. Hæ Generales Observationes in hoc Caput, crebram observationem confirmant: nempe Autorem distinctam Argumentorum, de quibus differunt, ideam non habuisse. Ex Observationibus, quæ fient in singulis *Quæstiones* & *Regulas* subjectas, percipietur, eum perindè fuisse rudem Methodi distribuendi in *Regulas Juris Canonici*; major quippe fructus ejus Methodi est, complecti sub Regulis quascumque res, quibus applicari possunt.

Tom. I.

QUÆST. I. de JUDÆIS & SARACENIS.

Prima Regulâ circâ prohibitionem Matrimonii inter Christianos, & Judæos, locum habet in Mahometanis, in Paganis, in Hæreticis, in Apostatis. Idem est de *Sexta*, quæ committi Judæis Officia publica vetat, & quidem Paganis applicatur in *Quæst. II. Reg. III. Secunda* Judæis inhibens, ne Christianos, sive facto, sive verbo contemniant, extenditur ad Mahometanos, Pagans, Apostatas, quibus in Provinciis Christianis habitare conceditur. Quod dicitur in *Reg. III.* Judæos & Saracenos prohibendos non esse, quominus Ceremonias suas peragant, Festaque celebrent in Locis, ubi ipsis habitare licet seorsim, aut promiscue cum Christianis, extenditur ad Hæreticos, quoad Provincias, in quibus Hæresis toleratur: quoad Saracenos observanda est restrictio, quam *CLEMENT. de Judæis* apponit, vetando, ne ipsis invocatio publica Mahometis permitatur, nihil magis quam Procesiones ad Loca, in quibus aliquis eorum, quem *Sanctum* nuncupaverint, sepultus est. In *Quarta* duas res interdicuntur ergâ Judæos: 1. Vis in ipsis. 2. Coactio ad suscipiendum Religionem CHRISTI. Utraque Definitio locum habet ergâ Mahometistas & Pagans, ubi cùm Christianis habitant. Idem est de subiectis exceptionibus, 1. De Casu, quo Fidem amplexi fuerint. 2. De Casu, quo vim Christianis intulerint. In *Septima* Judæis interdicitur *Construcio* novarum Synagogarum, & permittitur collapsarum *Reædificatio*; utrumque applicari potest Mahometanis, Pagans & Hæreticis, ubicumque ipsis inter Christianos habitare licet.

Nona, quæ prohibet, ne Bonis suis spolientur Judæi, qui Baptismum acceperint, habet locum in ceteris Infidelibus prædictis. Perindè est de *Reg. X. & XI.* quæ vetant Judæis Servos Christianos habere, familiisve Christianis uti. Dicendum est de Servis Mahometanorum aut Pagorum, quod dicitur *Reg. XII.* de Servis Judæorum, ipsis per Baptismum liberos fieri.

Reg. XV. Judæorum prædia Decimaru[m] præstatiōni subiecti, locum habet ergâ Bona ceterorum Infidelium inter Christianos commorantium. Præceptum *Regulæ XVII.* circâ separationem Liberorum Judæorum à Parentibus, extendi potest ad Liberos aliorum Infidelium Christianam Religionem non colementium.

QUÆSTIO II. de PAGANIS.

Regulæ I. & II. ferentes, eos, qui Judæis prædiant, uti posse alimentis sibi ab illis oblati, Viris que ad id Munus idoneis concedendam esse prædicandi licentiam, ad reliquos Infideles applicanda est.

QUÆSTIONES III. IV. V. de MANICHÆIS,
APOSTATIS & BEGUARDIS.

Nihil hic attentione dignum est, nisi BEGUINAS non comprehendi in Damnatione Beguardorum.

OBSERVATIONES in CAPUT XIX. de USURA.

Autor in *Quæstione I.* loquens de rationibus accusationis hujus criminis, duas refert, quarum *Secunda* falsa est; scilicet, omne commercium aut negotium est illicitum, omnis negotiatio prohibita est.

Inde transiens ad *Secundam*, in quâ discutit causas, quo verbo intelligit peccata, quæ hujus accusationis Materia sunt, Usuram inter causas numerat, quod tam absurdum videtur, quam si dixisset, Usuram esse primam causam accusationis Usuræ: tum ipsam definit, dicendo, eam confidere in aliqua re ultrâ sortem principalem.

Secunda est, si aliquid ultrâ sortem exigatur, quod mera repetitio est.

Tertia Causa est, si is, qui mutuò dedit sine stipulatione scenoris, reddere nolit parabolam Juramenti, nisi qui mutuò accepit, sibi præter pecuniam mutuò datam, aliquod emolumentum præstet, Verba hæc, *Parabolam &c.* expositione indigent,

Aa 3

indigent, & significant Chirographum juramento confirmatum.

Aliæ causæ pertinent ad Usuram dissimulatam, vel interpretativam: scilicet 1. Contractus Emptionis & Venditionis, in quibus augetur pretium ob dilatam solutionem, aut minuitur ob anticipatam: presumuntur his vocabulis fieri Mutuum, cuius lucrum Usura vicem gerit; Exceptiones sunt lucrum cessans. 2. Contractus Antichreticus, quo prædium oppigneratur, cuius fructus, emolumens ob hunc fundum dati locum tenent; Exceptiones sunt damnum emergens. Exceptiones generales harum causarum falsa sunt, Excepta Octavâ sumptâ ex constitutione Censûs anni. Tertia & Quarta non versantur præcisè circa Usuram, sed circa Restitutionem. Et quidem Autor omnes respuit prater Tertiâ & Octavam, quas expônit, & Quartam circa Mutuum inimico factum, aut alii cuicunque, quem occidere licet, qua locum habuit tantum in Lege Mosaïca; & Quintam sumptum est casu, quo mutuatur Usurarius, qua reprobanda est: & Octavam, qua sola accurata est. Loquens in Quæst. III. de iis, quos accusatio hæc involvit, hæredes solos commemorat, à quibus tamen sola restitutio exigi potest: accusationis autem finis præcipuus est vindicta seu poena.

QUÆSTIO IV. DE POENIS USURÆ.

Autor Primo pœnas aut refert, aut indicat in Regulis X. quas circa hoc proponit. Continuâ serie tradit omnes, quæ omnibus Usurariis sunt communes; nempe 1. Restitutionem, quæ accuratè loquendo, non est pœna, sed reparatio damni: 2. Excommunicationem, quam restringit ad Casum, quo Usurarius non restituit: generalis tamen est erga Usurarios manifestos: sed hæc minor est duntaxat; illa vero major, distinctionem hanc observare Autor debuerat 3. Denegatio Sacramenti Penitentia; 4. Interdictum Sepultura: hæ pœna manifestum duntaxat Usurarium restituere recusantem respiciunt; 5. Pœna late in Rapinam, cui Usura comparatur. Ceteræ pertinent aut ad Clericum Usurarium, adversus quem sanctior Depositio (cap. 7. de Usur. eum duntaxat ab Officio suspendit & Beneficio) aut Iudeum Usurarium, qui communione Civili inter Christianos privat: aut eos, qui Statuta condunt, aut servant, Usuræ faventia, qui excommunicantur; aut eos, qui dicunt, Usuram non esse peccatum, qui Hæretici reputantur: aut eos, qui dominum locant Extraneis Usuram exercentibus.

Unum est Verbum circa Quæst. V. De adjunctis hujus Judicij, scilicet, obligatio edendi Libros Rationum, quæ locum habet in pluribus aliis judiciis; nempe iis, in quibus reddenda sunt rationes. Idem est de Quæst. VI. De consequentiis hujus Judicij; nempe exclusione appellationis quoad condemnatum, privatione juris testandi.

Perinde est de Quæst. VII. Circâ remedia Subsidaria accusationi hujus criminis, Primum est, ut Magistratus ex Officio & sine accusatione persequatur Usurarios, 2. Usurarius, qui non restituit, uti nequeat Pontificio Rescripto, ad repetitionem usurarum, quas alii Fœnectori solverit.

Liber II. Methodi VIGELIANÆ Juris Canonici DE JUDICIS PRIVATIS inscriptus.

OBSERVATIONES in Divisionem hujus Libri.

Priusquam de Libri hujus Divisione loquar, observandum est, tantam esse ipsius cum Primo connex'ōnem, ut, quæ hic dicuntur, Prioris doctrinam illustrent, ejusque defectus suppleant, & vicissim hic ab illo eadē fere præsidia mutuetur. Argumentum utriusque unius eiusdemque generis est; ambo sunt species generales Judiciorum, quorum alia Criminalia sunt, alia Ci-

vilia. Reperitur hic enumeratio solemnitatum, seu rationum procedendi in Priore omisa; item reperiuntur principia in Priore supposita. Quanvis Judicia publica sint majoris momenti, quia Criminum coercitio bonum publicum immediate respicit, & quietem publicam procurat sceleribus turbaram. Judicia privata in eo illis præpollent, quod, cùm magis crebra sint, eorum commodum aliquatenus majus est; imò, cùm lites inimicities pariant, quæ sèpè Criminibus occasionem aperiunt, Judicia Civilia obviam eunt sceleribus, ad quæ coercenda, cetera Judicia instituta sunt. Junctis ambobus Libris exurgit Summa Tractatus perfecti de Judiciis tam generatim, quam sigillatim consideratis, Criminalibus & Civilibus, Ecclesiasticis & Sacerditalibus; secùs est de Methodo, sive modo tractandis singula Materia capit. Iisdem fere vitiis turget Liber Secundus, quæ observata fuere in Primo. Regulae, ut plurimum, minorem legitimam extensionem habent: eadem nimis multiplicantur: in Exceptionibus ponitur id, quod ad Regulas integratati debite restitutas pertinet: multæ quoque sunt inutiles, quia, quod in eis queritur, aut in præcedentibus, aut in subsequentibus enucleatur. Probabitur hoc in Observationibus in unumquodque Caput, Quæstiones ejus, Regulas atque Exceptiones. Alter sentiendum est de ordine, qui iustus, ac naturalis videtur: quidquid enim ad Judicia pertinet, reducitur:

1. Ad Personas, quæ in eis concurrunt; nempe, Judicem, Assessores, Postulantes seu Advocatos, Procuratores, Defensores, Actorem, Reum.

2. Ad Res, de quibus inter Partes disceptatur.

3. Ad Actus Judiciorum; nempe Citationem, seu Afsignationem; Libelli obligationem, seu Petitionem; Concessionem dilationem; Exceptiones, Cautiones; Contestationem Causæ; Juramentum Calumniæ; Probationes; Discussionem aut Cognitionem ipsarum; Delationem ad Superiorum, ubi difficultates exoriuntur ad eum consulendum impellentes; Sententiam.

4. Ad consequentias Judiciorum; scilicet, Appellationem; rem judicatam, Actionem judicati; Exceptionem; Executionem Sententia; Missionem in Professionem; Publicationem bonorum debitoris; solutionem impeniarum litis; Exceptionem, unumquemque Legi parere, quam aliis imponit.

5. Ad Remedia subfidiaria Judiciorum; nempe, Compromissa, & Transactioes.

Porrò, hæc omnia eodem ordine continentur sub Autoris Divisione.

Inter Quæstiones particulares in singula Capita hujus Libri, tres, ut plurimum, absunt, quæ in superiore agitantur; scilicet, variaz Causæ diverorum Judiciorum, de quibus in illo agitur, Poena, & adjuncta. Verbum hoc, Judicium, hic sumitur in propria significatione, non vero in sensu, quem obtinebat in superiore, nempe, pro Crimine.

OBSERVATIONES in CAP. I. GENERALEM DESCRIPTIONEM JUDICIORUM continens.

Quod dicit in Quæst. I. de fine Judiciorum, nempe, illa instituta esse ad compescendos Malos, & procurandam pacem publicam, Judiciis Civilibus hic exponendis non convenit.

Secùs est de REGULIS Quæstionis II. circa Locum, in quo Judiciis vacandum est, quæ utrique Judiciorum speciei convenient: scilicet.

1. In Civitatibus & Loci frequentibus; modò sint intrâ Diocesim Episcopi, aut Superioris in casu appellationis, nisi fortè consuetudo contrarium induxit, vel Episcopus à Sede suâ pulsus fuerit.

2. In loco commissionis erga Judicem Delegatum.

3. Extrâ Ecclesiæ & Cæmeteria, à quibus, ob rationem specialem, excluduntur Judicia Criminalia, nempe, ob effusionem Humanæ Sanguinis, à quâ abhorret Ecclesia. REGULÆ V. Autoris ad tres memoratas reducuntur.

Quæstio III.

QUÆSTIO III. circa TEMPUS IN QUO JUDICIIS
VACANDUM EST.

Regula, Exceptio, Replicatio, Duplicatio hic ab Autore adhibetæ, ad hæc pauca contrahuntur. Judiciis non est vacandum tempore ad honorem Divinum, aut Sanctorum Cultum consecrato, nisi contrarium suadeat necessitas, neque in Fériis ad Homines recreandos institutis, nisi Partes hoc commodum abnuant: hoc autem in Judiciis Criminalibus habet locum.

QUÆST. IV. circa DURATIONEM JUDICIORUM.

Juris Civilis Dispositio trienne spatiū præscribebat: Jus vetus absolvī item quām brevissimo tempore præcipiebat: Ecclesiastica negotia confici jubet Concilium Tridentinum intrā biennium, Cap. XX. Sess. XXIV. de Riform. Alioquin recursum ad Judicem Superiorē, tanquam ob denegatam justitiam permittebat. Autor id non observat. REG. III. QUÆST. V. de Judiciorum adjunctis, hodie non obtinet, ut probat Canon laudatus, in Secunda, qui jubet, ut actus Judicarii Scriptis mandentur.

Doctrina hujus Capitis in Judicio per Delegationem celebrato, locum habet, perindè atque in ceteris: hoc insinuat Autor, QUÆST. II. Judicem Delegatum complectendo.

OBSERVATIONES in CAP. II. de JUDICE QUÆST.
II. de dando Judice, & Foro Competenti.

De multis promiscuè rebus Autor differit, quæ sigillatim exponendæ fuerant, quarum ut detur notio perspicua & accurata, sic illæ distinguenda sunt. 1. Institutio Judicis, five Ordinarii five Delegati. 2. Forum Competens. 3. Judex Suspectus. Hæc autem insignib[us] differentiis donantur, quæ perspicue enucleari nequeunt, nisi singulæ seorsum discussiantur; nam v. gr. ratio, propter quam Judex suspectus fit, eum non efficit incompetentem: quod sufficit, ut Judex incompetens fiat, eum non reddit inhabilem ad Judicis officium: Suspicio non objicitur, nisi Judici competenti: incompetentia non habet locum nisi in eo, qui Judex esse potest, & est re ipsa; & de viro judicandi incapaci dici nequit, eum esse incompetentem, aut suspectum: ad rectum proinde ordinem pertinet, ut distinguantur via, quæ incapacitatem parunt; à defectibus, qui incompetentem efficiunt: Hique ab iis, quæ suspicionem duntaxat inducunt. Sic Autor vitavisset istas Replications & Duplications, quæ confusionem generant, paucisque Exceptionibus circa singula Capita indiguerit.

Inter via, quæ incapacitatem ad Judicis Munus operantur, quadam sunt Juris Naturalis; videlicet Surdus & Mutus à nativitate, Infans, aut Furiosus, aut Stolidus Judices esse nequeunt; & hi nullam patiuntur exceptionem.

Alia sunt Juris Humani, dispensationisque Exceptionem patiuntur. Sic Mulier, aut Servus, aut Infamis, vel Peregrinus, aut Excommunicatus, aut Infidelis, aut non Catholicus, arcentur ab hoc officio, quandiu subsistunt hac via, aut ab iis dispensatum non fuit; Proviso aut Commisso ad Judicis Munus, est nulla, & consequenter actus Judicis ab ejusmodi Personis profecti, sunt nulli.

Ii, qui nullo ex virtutis prædictis laborantes, præficiuntur, ut sint Judices alicujus Regionis, sunt Judices Competentes, quoad omnia Judicia Civilia & Criminalia, quæ ibi exoririuntur; de iis intelligendum est id quod Autor, dicit eos, qui Tribunal ipsorum declinant, teneri ad probandam incompetentiam, quia hi sunt in Casu Exceptionis, quæ sola probatione indigent; ceteri sunt in Casu Regulæ cognitæ Juris.

Quæ diximus, ad Judicem Ordinarium restringi debent. Secus est de Judice Delegato, quem cognosc-

cere non tenentur litigantes, nisi postquam sufficienter potestatis sua, fidem fecit.

Quemadmodum recusatio non habet locum, nisi adversus Judicem competentem, qui eum recusant, ut suspectum, tenentur pariter probare Causas Suspicionis, quam contrā illum gerunt, quā in re Judici Ordinario similis est Judex Delegatus.

Suspicionis Causa, deducuntur ex eo, quod Judex, aut Litigans sit, aut Cognatus Litigantium, aut Domesticus, aut Dominus, aut Inimicus. Hæ Causæ ab utroque Litigatore contrā Judices, quos ipse pro Suspectis habuerit, tam in Secunda Instantiâ, quam in Primâ; tam in casu Reconvocationis, quam in alio quolibet, allegari possunt. Recusatio proponi debet ante litis contestationem, nisi forte suspicio-nis Causæ post illam emergerint, aut cognitæ fuerint.

Hæ sunt Observations, quas necessarias duximus ad secernendum ea, que Autor permisit; ipsæ generales sunt; Argumentumque integrum QUÆST. II. respiciunt: indè indicare non potuimus loca, in quæ cadunt. Nunc ad Particulares transeundum est, quæ loca particularia attingunt. Exceptio X. locum habet in Foro Interiori, in quo unicè consideratur vita Judicis, non verò potestas ejus; cum è contra in Foro Exteriori, de potestate, non de moribus Judicis, agatur: Undè judicare in illo valet, atque etiam damnare Personas minus apud Deum, vel etiam coram Hominibus noxias, quam ipse sit.

Hodiè restringenda est Exceptio XIII. ad Excommunicatum Denunciatum. Exceptio XIV. ad Judicem Delegatum pertinet, à quo inchoatā negotiū auditione, Delegans de illo noscere nequit. Except. XV. ad Casus, in quibus Delegans tenetur ad delegandum. Except. XVI. loquitur de Casu, quo plures delegati conjunctim judicare debent. Except. XVII. de Casibus, in quibus plures ita delegantur, ut singuli seorsim judicare possint; quo casu, judicio ab uno lato, ceterorum facultas evanescit.

Exceptio XVIII. dicens, Personas Miserabiles, ut Pupilli & Viduae, Imperatorem aut Pontificem Judicem habere in Possessorio, significat, illud Privilegium nasci ex eo, quod sub protectione Principis aut Temporalis, aut Spiritualis sit: illudque à Primo ad Secundum manavisse; quippe Lex laudata longè antiquior est, quam Canones ibid. allegati. Concessum fuit illud Privilegium, ad propulsandam vim ab ejusmodi Personis circa possessionem. Except. XIX. simile Privilegium Regulam in Exceptionem convertit. Regula fert, ut Judex Sacerularis cognoscat de Causis realibus faltem, cum litigantes sunt Laici. Actor sequitur Forum rei. Ex Privilegio Judex Ecclesiasticus earum notionem habet, cum Clerici sunt Actores. Exceptio est, quando agitur de Fendo, & quandò dubium est, an res ad Clericum aut Laicum pertineat.

Except. XX. Juxta Penitentes Publici gaudebant prædicto Privilegio Clericali. Canon. 16. CAUS. XI. QUÆST. I. laudatus in Exceptione XXI. non dicit, Reum conveniri debere in Domicilio; sed conveniri debere coram Judice suo, nempe Judice Provinciæ, si Laicus, aut Episcopo, si Clericus sit. Altera pars Exceptionis perspicue enucleari potest absque impedimento Replications & Duplicationis per Cap. 20. de For. Comp. supponit hoc, competentiam Judicis sumi à loco Delicti, aut Contracti, aut Domicilli, aut Situs fundi controversi, & casum excipit, quo Reus Roma degit; nihil enim Autor adiicit, quod in hac Summa non continetur, modò observetur Contrahentes aliquando se adstringere, ad agnoscendum Judicem Locorum, quos incolent, cedente die Promissionis, aut alijs cuiuslibet obligationis, quo in Casu Reus conveniri potest coram Judice Domicilli sui, perindè ac coram Judice loci Contracti.

Except. XXII. non habet locum, nisi in Actionibus Personalibus, in quibus Superior ab Inferiore judi-